

Muhdú pámeere páné iínújiri ijcyáné miamúnaa meijcyáiyóne

Tujkénúeju

fhyaamtí pañétú caatúvané páné iínújĩne múnáadítýúu tsaate tsatsíhvú idyóbéévéne muhdú miamúnaa meijcyáiyóné pítýácójcatsíne.

Ditsiééberédípye 10-ri 1948 ijcyáné pijcyábari tsaate páné iínújĩné túkevéjtsojtédítýú píhcyaaavé ipítýácójcatsí muhdú miamúnaa meijcyáiyóne. Á;áné dobéévé "Naciones Unidas" néémeé. Aaméhjáa téijyu caatúnú 30-neva miamúnaa maávyejúúlléiyonéhji. Aanéhjáa imí ijtšúacunúnéllii nééme ténehji páné iínújĩne múnáake iúúbállémeíki. Téhduréhjáa nééme ténehji cáátúnúmeíháámí pahúllevávú pámehdívuré itsújááve téhaami ditye patsíhjiavávuré iééveki.

Á;áné boonétúhjáa iñe méiínúji túkevéjtsojte téhdure ipíhcyáávéne néé páneere 30-neváa cáátúnúmeíñe muhdú néhdu meijcyáiyóné méiínújiri.

Aane ténehji méwáabyuta ijcyáhi. Á;nehji múu imííneúvú iwáájácúne tehdu ijcyáhi. Aane tsá múu ihdyivuré pícyootúne. Múu íñahbémudívú pajtyétsó ténehji ditye iwáájácúne tehdu ijcyaki.

Pityájcoju íhdénúmeíñe

Muurá pámeere tsáápiitsa méboohówama meijcyane mewáájácúmeícyá botsíi máájíyúiníyá muhdú imí meijcyáiyóne. Á;ánéllii tsá tsaate tsíjtyé hójtsí pañe meícyáityuró ícubáhrádu. Tsá tsaate tsíjtyedi meícubáhráityuróne. Íllure mépiáábójcatsíiyá pámeemáyé imí meijcyá tútávátsójcatsítýúme.

Á;rone teene méboohówá ijcyaróné mewáájácútúné nájcaúvú muurá tsaate muhdú imí meijcyáiyódú íjcyatúmé íllure tsaatédí ícubáhrahíjcyáhi. Aane ehdu ditye méénune pámeere miamúnáadivuro ímityúne. Muurá pámeere iínújiri ijcyáné miamúnaa méijyácunúra tsaímíyé meijcyáiyóneri. Tsá múha méhdivu túútaválléityuró meihjyuvánee, iíná mecáhcujtsónee, íjcyane. Aame tsá ílneri meíllityéityuróne. Tsá pihtójú pañe meijcyáityuróne. Ehdu meijcyane pámeere miamúnaa imí méjtsúacunúhi.

Ehdu ímityúné medárlívejcatsíiyóné íhdétú íjcyáiyóné mééma túkevéjtsojúúne. Muurá tsaate ímityúné meke méénúhachíí téénej tééveri tsaímíyé méimíbáchójcatsíhi. Muurá tene ijcyátuca tsáijyu máavyéjajte íjcyarómema mémúnáátsójcatsíiyáhi.

Aane mewáájácucáro téénej tééveri pahúllevá iínújĩne múnáama imí meijcyáiyáhi. Tsá tsaatéké menéhnílléityuróne. Muurá pámeere miamúnaa iínújiri meijcyame méimíllé tsahdúré imí meijcyáiyóne.

Muuráhjáa 'Páné Iínújĩne Múnáá Pihcyááve' némeiñe pañe tsúuca ítsaavémé muhdú pámeere miamúnaa wajpíimumáyé walléémú meijcyame tsahdúré maávyejúúlléjcatsíiyóne. Aame mépiáábójcatsíiyá panéjcuavávú tsahdúré pámeere imí meijcyaki. Á;áné pityájcoju iñe muhdú miamúnáake mépiáábóiyóné tsúuca mééma íjcyáneri méwaajácútsó páhduube cómíñe múnáajpi méboohówama meijcyane ditye íavyejúúlléne icyáhcújtso imí íjcyaki.

Muuráhjáa 'Páné Iínújĩne Múnáá Pihcyááve' némeiñe pañe íjcyame néé páhduube cómíñe múnáajpi méboohówama, méjtsútuma, meijcyame maávyejúúlléjcatsímyé múhójtší pañe meijcyátuki. Aamée pítýácójcatsí muhdú miamúnáake ípiááboíñe imí ditye íjcyaki.

Aane ímiáané téhdújuco pámeere wáájácúiyóné muhdú túkevéjtsoju néhdu meijcyame maávyejúúlléjcatsíiyóne.

Ahdícyane 'Páné Iínújĩne Múnáá Pihcyááve' némeiñe pañe íjcyame néé ténehji néhdu páhduube iínújiri ijcyáné miamúnáajpi meijcyáiyóné méwáabyuta tene íjcyanéllíihye. Á;áneri meljyacunúiyá muhdú tene néhdu meijcyáiyóneri. Á;hdure tsíjtyeke méwáábóiyá méiínúji múnáa íjcyátúrómhjímájuco ditye tehdu íjcyaki. Ehdu imí meijcyáiyá tsúuca teene mewáájácúmeé teenéi wáájácútúmeé pamévamáye.

Á;áné túkevéjtsojúúne íllu néehíí:

1. Túkevéjtsoju

Pámeere iínújiri meijcyame tsá múhójisí pañe ícubáhrádú meijcyáityuróne. Pámeere tsahdúré imí meijcyame mewájýjcatsíñe mépiáábójcatsíiyá tsaatéké éhdiílválletúmeé éhne múu mépañétúéne nahbémuma meijcyadu.

2. Túkevéjtsoju

íñe íhyaamítú muhdú tene cáátuvádú meijcyáiyá pamévamáyé memúnáa íjcyátúrómema. Tsahdúré meijtsúacunúiyá pamévakéré wajpíímuke, walléémuke, pahdúváré méjpííhañe menéérómeke, pahdúváré meihjyúvárómeke, muhdú Píívyéébeke cáhcújtsórómeke, tsáijyu múúne tsaate múhdurá túkevéjtsojtédítýú íjtsámeíyómeke, tsííñe iínúji múnáa íjcyarómeke, íhtsútúmeke, ídáátsórómeke, muhdiívátsihjívú tsíímávámeíyómeke; pámeekéré tsahdúré méjtsúacunúiyá tsaatéké éhdiílválletúme.

Téhdure tsá múhdurá meijtsúacunúityuró tsáijyu múúne tsaate túkevéjtsojte múhdurá iínúji múnáake túkévéjtsórómeke. Tsá ditye ítyaúhbajuúne múhdurá méénúróne pañe íjcyámeke meéhdiívalléityuróne. Tsané iínúji múnáa tsaaté hójtsí pañe múhdurá íjcyarómeke tsá meéhdiívalléityuróne. Tsahdúré méjtsúacunúiyá iye túkévéjtsómeíyómema diityeke.

3. Túkevéjtsoju

Páhdube imí méjcyáiyáhi. Á;ámeke tsá múha ínerí meke ipátsárijcyómeke tútávajtsóityuróne.

4. Túkevéjtsoju

Tsá tsaate meke íhyójtí pañévú pícyoome ícubáhrádú méjcyame diityé iicúve múnaa méjcyáityuróne. Tsá muucá míamúnáadivú menáhjihénúityuróne. Eene tsáma ávyeta tsá ímíllémeityúne.

5. Túkevéjtsoju

Tsá tsaatédí meícubáhráityuróne. Tsaatéké meúwáábócooca chooco meúwáábóiyáhi. Tsá meméénúityuró iyáábeke múu méénudu.

6. Túkevéjtsoju

Páhdube míamúnáajpi íne méiñújiri ihdyícyátsii méjcyarómé téhdure méjcyá teene túkevéjtsojúuné pañe. Aame mépiivyété tsaatéké menéene méwáabyuta páme wáabyutaré tene íjcyane meke ipiááboki.

7. Túkevéjtsoju

Tsáné ímibájchoju tsaatémá meméénúcooca tsá tsaatékére mepiáábóityuróne. Pámeemáyé tsahdúré ímibájchoju méénúmeiyá muhdú ímichi teene taúhbaju néjijtóri.

8. Túkevéjtsoju

Pámeere míamúnáama ímityúnéhjé ímibájchoobe ímibájchóiyá tehdíivane diityémá pájtyécooca muhdú taúhbaju néhdu tsaatéké éhdiivállétuubére.

9. Túkevéjtsoju

Tsá tsaatéké peecutére meékéévéne mecúvejáánúityuróne. Téhdure tsá peecutére tsaatéké méiñújitu méjchívyétsóityuróne.

10. Túkevéjtsoju

Tsaate tsíjtyé hallúvú ímityúnéhjé ímibájchóóbeke úubálléjvu díibye éllevu péemema ímíñeúvúré ímibájchóiyooobe muucá éhdiivállétuubére. Á;rónáa ihdyu tsá díibye tsaatékére piáábóityuróne. Méénúiyooobe muhdú teene taúhbaju néhdu tsahdúré pámeemáye.

11. Túkevéjtsoju

Tsaate tsíjtyé hallúvú imityúné úubállécooca tsá peecutére menééityuro ímiáané tehdújuco tene íjcyane. Tujkénú pañetu úubállémeiyómé muhdú tene íjcyane imíñeúvú mewáájácuki.

Muuráhjáa taúhbajúi ímíñeúvú pánéévétúnáa tsaate múhdurá íjcyarómé hallúrí tsá pahdu iiná íjcyatúne. Á;ijyúu imityúné méénúomeke tsá icyooca íjcyané taúhbaju néjijtóri meúwáábóityuróne. Méúwáábóiyá téijyúu íjcyané taúhbaju néjijtóri. Á;rónáa ihdyu icyooca tsaate ímityúné méénúhajchíí botsíi meúwáábóiyá muhdú icyooca íjcyané taúhbaju néjijtóri.

12. Túkevéjtsoju

Tsá tsaatéké ínerí mepátsárijcyóityuróne; tsá tsaaté já mepátsárijcyóityuróne; tsá tsaate tsíjtye éllevu wállóóné waajácúháaimí meéévéityuróne; tsá tsaatédítú néhniyu mewááoityuróne. Ehdu nénéhí íhdétú íjcyané mééma taúhbajúuné páme wáabyuta meke tene ityéhmekei.

13. Túkevéjtsoju

Tsáné iñújiri méjcyame mépiivyété mepééiyóné kiávú méimílléhullévu. Aame méjcyáiyá kiá méimíllétsihyi.

Muurá paméváre mépiivyété tsííñe iñújivu mepééiyóne. Aame méóómíyá méiñújivu méimíllécoóca. Aane tsá múha meke tsáhajtsóityuróne. Muurá mépiivyété mepéene méimílléhajchíí téhulle méjcyaki.

14. Túkevéjtsoju

Muurá méiñújiri ícubáhraméi pañe méjcyáhajchíí mépiivyété mepééiyóné tsííñe iñújivu. Á;ané iñúji múnaa tsaimíyé meke waatsúcúpéjtsóiyá imí diityémá méjcyaki. Tsá meke dítye cátúhtsópéjtsóityuróne.

Á;rónáa tsáijyu múne méhdityuré íjcyane ímityú medárhívémeihijcyámé ihdyu tsá mepíivyetétú tsííñe iñújivu mepééiyóne. Awáaréjuco íne muhdú íhyaamí pañétú tene néhdu méjcyátúhajchíí muurá tsá mepééityuróne.

15. Túkevéjtsoju

Paméváre míamúnáa méjcyá tsáné iñúji múnaa. Aane tsá múha meke nééityuró tsáné iñúji múnaa méjcyatúne.

Téhdure tsá múha meke peecutére wállóóityuró tsííñe iñújivu. Téhdure idyé tsá múha meke nééjuri tsííñe iñúji

múnáajpiyéjuco mejicyáityuróne.

16. Túkevétsoju

Paméváre miamúnaa wajpiímumáyé wallémú piivyété ityáábávajcatsíñe iééve úújetétsihvu iímílléhajchíjyu. Aame tsúuca tsája múnáa ijcyame piivyété itsímaváne. Á;ánetu tsá múha diityéké tsáhajtsóityuróne. Tsá muhdú tene néetu muutéhjí ditye ijcyane, muhdú Píivyéébeke ditye úraavyéne. Muurá pámeere piivyété tyáábávajcatsíñe. Aane diitye táábávajcatsímyé avyéjúúlléjcatsíyá tsahdúre. Téhdure wáágóójcatsíyómé avyéjúúlléjcatsíyá tsahdúre.

Á;ánetu tsá muucá metáúhbaítyuró ditye ityáábávajcatsíki. Caatyé ityáábávajcatsíñe imillémé páñetu iye iímílléhajchíí piivete ityáábávajcatsíñe.

Muurá ihdyu páñetu mejcyájuco teene tsája múnáa mejcyane. Aame pámeere méijcyá tsahdúré meinují túkevétsojíe túkevétsojú pañe.

17. Túkevétsoju

Muurá pámeere tsáápiitsa méijcyátsíhjíma méijcyáiyá meímílléhajchíjyu. Téhdure tsaaté múnáa iliñújima ijcyáiyá iímílléhajchíjyu. Aane tsá múha tsáhajtsóityuróne.

Aane tsá peecutére múhdityú ijcyátsíí múha dójtúcuítyuróne.

18. Túkevétsoju

Pámeere miamúnaa mépiivyété muhdú mejtsámeidyú mejcyáiyóne, kéjijtóri Píivyéébeke meúráávyéiyóne. Téhdure mépiivyété tsájijtótú tsíjijtónú mepájíyeyóné muhdú meímíllédu. Aame idyé mépiivyété iiná mejtsámeíñeri, iiná mecáhcújtsóneri meihjyúváiyóné mééréétsihvu. Téhdure mépiivyété medóbéévétsihvu tsíjtyeke meúwáábóné keená eúraávyejjto.

19. Túkevétsoju

Pámeere mépiivyété iiná mejtsámeíñe mejjyúcaáyóiyóné tsíjtye iwáájacuki. Aane muhdú mejtsámeíñe meihjyúváné hallútú tsá múha meke tsáriléityuróne. Muurá mépiivyété panévare mewáájane. Téhdure mépiivyété muhdú tsíjtyé ijtsaméí ijcyane mewáájacúné waajácúhaamíné meéévénej téeveri. Muurá idyé mépiivyété iiná mejtsámeíñe mecáátunúne, meúwaabóne. Aane páneere mépiivyété ihdyícyáhullévú tsííñe iñújiínévú metsújaúcúne. Íñehji páneere mépiivyété meméénune mecáátúnúneri, meihjyúváneri, panévaríyé muhdú meímíllédu. Á;áné hallútú tsá múha meke iiná nééityuróne.

20. Túkevétsoju

Pámeere mépiivyété tsatsíhvú medóbeevéné mepítyácójcatsíki. Téhdure mépiivyété tsáha múnáa tsáné wákimyei meenuhá pañévú meúcaavéne.

Á;rónáa ihdyu tsá múha meke ávyeta táúhbaítyuró tsáha múnáajpi mejcyaki.

21. Túkevétsoju

Pámeere mépiivyéterá méiñújí túkevétsojíe ijcyáha múnáa pañévú meúcaávéiyóne. Meere meúcaavéné mepíivyetétúhajchíí tsíjtyeke meméménúmeke méwáállóoyá mecápayóóve.

Muurá pamévare mépiivyéterá méiñújí túkevétsojte níwáávéne wákimyeiháñe meméénúiyóne.

Muurá pámeere miamúnaaré meménúme tsáné iñújí túkevétsojte ijcyáhi. Teene meenúme caatyéké ityújkevééllemeke téévéneúvúre imyéménúneri. Aane tsá tsaatére píivyetétú teene imyééñune. Muurá pámeere mépiivyété meméménúne. Á;rónáa tsá múha meke táúhbaítyuró tsaate metújkevéélletúmeke meméménuki. Meere páñetu caatyé mejtsúcunúmeke méméménúiyáhi. Téhdure idyé méméménúiyá tsaatéké muhdú meímílléjtori. Á;rónáa ihdyu imíñeúvú tene ijcyáiyódú méméénúiyáhi.

22. Túkevétsoju

Pámeere méhdi ijcyáiyóné íñe tájpi mejcyane. Á;nejcutú méiñújí avyéjute meke píáábóiyá ipíivyetédúneri. Téhdure tsíñehjí iñújiíne múnáa dsídsivámé meke píáábóiyá íñe tájpi mejcyáiyóné mejcyátsótúmeke. Aame iiná meke píhtotúme tsúuca imí mepánéévémedi tsá múha méhdi úúhívatéityuróne. Ehdu méijcyáiyá imí memúnáama mejcyame meúráávyé méihde múnáaúvúu úráávyehíjcyánetu kéjijtójí imí mejtsúcunújijtójí.

23. Túkevétsoju

Pámeere mépiivyété méwákimyéima mejcyáiyóne. Á;rónáa idyé tsá téeneri ávyetá icúbáhraméí meméénúityuróne. Aane teene wákimyéí túkévejsómé tsáimíyé meke túkévéjtsóiyáhi. Á;ánetu tsáijyu múune tsaate íwákimyéima ijcyátúhajchíí pamévare mepíáábóiyá téhdure íwákimyéima ditye ijcyaki.

Pámeere mépiivyété tsahdúré meújcúiyóné méwákimyéí áhdó muhdú mewákímyeíñe tujkévevu.

Pámeere wákimyéí múnáa iiná íwákímyeíñe áhdó újcúiyá téene tájpi ísímema imí ijcyame iávyéjúúllémeíki. Aane

tsáijyu múúne tsaaté wákimyéi áhdó úújetétúhajchíí tsíjítóriyéjuco diityéké tene ahdómeíyóné tsijtye diityéké píáábóneri.

Pámeere wákimyéi múnáa piivyété idyóbéévéne ipityácójcatsíyóné muhdú iwákimyéi tsíñéhjima íjcyane íimibáavyétsoki.

24. Túkevétsoju

Pámeere mépiivyété mewákimyéityúí tsarahja mewáyééévéiyóne. Aane tsá mewákimyéi mepátyéévétsóityuróne. Eevéíyé mewákimyéiyáhi. Muurá téenélii íjcyané téenetu mewáyééévehíjcyarahji. Á;rójcoojíi áhdó méújcúiyá téjcoojíi mewákimyéityúrónáaaca.

25. Túkevétsoju

Pámeere mépiivyété tsaímíyé meíjcyáiyóné méétsíímema. Aame mejháháñema meíjcyámedítú tsá majcho, wáyyamu, tsíñehji íne tájpi meíjcyáiyóné píhtóityuróne. Mechémécooca métáábímíyeyáhi. Íjcyané tsíñehji téhdure imí meke píáábóiyonéhji. Á;nejcúhjitú mépiáábójcatsíiyá imí tsaméhjí meíjcyaki. Tsaate íwákimyéima íjcyátúmeke mépiáábóiyá ditye téhdure íwákimyéima íjcyaki. Téhdure kéememu, píibáyyujte tsijtye idátsó néeme iwákimyéiyóné píivyététúmeke mépiáábóiyáhi.

Téhdure idyé walléemú éévájtema tsiiniéwuúmuke tsaímíyé météhméiyá imí ditye íjcyaki. Tsá apáámyéré imí ityáábávajcatsíne tsíimáváméj tsíimeke metéhméityuróne. Téhdure imí táábávajcatsítyúróméj tsíimeke tsaímíyé météhméiyáhi.

26. Túkevétsoju

Pámeere mépiivyété waajácúhaamíé míitéiyóne. Tsá tsiime waajácúhaamíné ítetúmé íjcyáityuróne. Imíllémeíñé pámeere tsiime waajácúhaamíné ítéiyóne. Aane tsá áhdómeítyúne. Téhdure pámeere mépiivyété éhniíñevújuco íjcyané uwáábovu meúcaávéiyóné mewákimyéima meíjcyaki. Tsá tsaaté wáabyutáre tene íjcyáityuróne.

Pámeere uwáábó íjcyá mewáabyuta meke tene wájácúúvetsómé pamévakéré maávyeyúúlleki. Aame tsá meéhdiiválléityuró tsííne iiñúji múnáa, tsíjyúhjiri íhjyuvámee, Píivyéébé icyánéjcu pahdúváré úráávyerómee, íjcyámeke. Á;ánej tééveri 'Páné Iñújíne Múnáá Pihcyááve' némeímyé túkevétsoju néhdu páhduube cómíñe múnáajpi imí íjcyaki.

Muurá pámeere mépiivyété méétsíimeke keená imí meíjtsúcunúné ditye áábohíjcyátsihvu meúácóiyóne.

27. Túkevétsoju

Pámeere mépiivyété muhdúhjáa meihdé múnáaúvú icyahíjcyánetu imí meíjtsúcunújitóji meúraávyéiyóné majtsiháñe, nuutáháñema tsíñehji imí nénehji. Á;néhjitú tsá múha meke píivyététú ibóíjcyúiyóne. Téhdure tsíñehji éhniíñevu mépiivyété mewáájácúiyóné méicyánéjcuene íjcyátúronéhji keená meke píááboiyonéhji mewáájacuki.

Pámeere mépiivyété meméénúiyóné tsane, mecáátúnúiyóné tsané íjtsaméi. Á;néhjí hallúvú ímichi teene méénume dsiidstváyáhi. Tsá tene ímíllémeítyú tsane meméénune tsijtye iékéévéne hallúvú dsiikístváyíyóne.

28. Túkevétsoju

Pámeere tsíñéhjí iñújíñe múnáama mépiivyété meíjcyáiyóné túkevétsojú pañe imí meíjcyaki. Á;ánéllihyée muurá páhduube panévá iñújíñe múnáajpi idyóbéévéne meenú túkevétsoju. Aane tútávajtsóiyóné taúhbaju muurá tsá íjcyatúne. Ehdu íjcyáiyóné muhdú íhyaamí pañétú tene néhduú.

29. Túkevétsoju

Pámeere máhallúrí teene memúnáama imí meíjcyánetu meke píaabóné meméénúiyóne. Á;ánetu méwaajácúiyá ímíáané tsúuca mewájacuuvéjucóómé imí mepáneevéne.

Á;ánéllii tsúuca íjcyané mééma panéváturé meke túkevétsoíyóné taúhbajúúné pámeere tsahdúré imí meíjcyaki. Aame tsá metútávátsójcatsíityuróne. Pámeere pátsáricyójcatsítyúmé meíjcyáiyá tsahdúré imí meíjcyaki. Tsá múha píivyététú ímillédú meke idyáíívéiyóné tehdu múhójsi pañé meíjcyámekéjívarí.

Muuráhjáa íne túkevétsojúúné néhdu tsaímíyé méíjcyáiyáhi. Aane tsá múha tsíhdyuréjtsóityuró 'Páné Iñújíne Múnáá Pihcyááve' némeíñe pañee íjcyame méénúné túkevétsojúúne.

30. Túkevétsoju

Pámeere íne íhyaarní pañe íjcyané túkevétsoju méénúmeíñé tsá múha tsíñejcúvúré illéébóne ímillédú tsaatéké dáríívéityuróne. Tsáijyu múúne tsaápi, tsaáte, méiíñújí túkevétsojte íjcyarómé tsá tehdu méénúityuróne.